




Bosnia and Herzegovina
Federation of Bosnia and Herzegovina
CANTON SARAJEVO
Ministry for Science, Higher Education and Youth

H. A. Pulić
10.11.2025
Regio

Broj: 27/03-34-49840-12.1/25
Sarajevo, 04.11.2025. godine

JU STUDENTSKI CENTAR SARAJEVO
Sarajevo, Aleja Bosne Srebrne bb

PREDMET: Izjašnjenje, *traži se*



Poštovani,

Ministarstvo za nauku, visoko obrazovanje i mlade Kantona Sarajevo je zaprimilo zastupničko pitanje Smiljane Viteškić, sa 25. radne sjednice Skupštine Kantona Sarajevo od 15.10.2025. godine, u vezi sa Izvještajem finansijske revizije o praćenju postupanja po preporukama o izvještaju o finansijskoj reviziji JU „Studentski centar“ Sarajevo.

U prilogu dostavljamo naprijed pomenuto zastupničko pitanje te očekujemo izjašnjenje na isto u roku od sedam dana od dana prijema ovog akta (izjašnjenje treba sadržavati odgovore na sva postavljena pitanja).

S poštovanjem,

MINISTRICA
Prof. dr. Dušanka Bošković

Prilog: Zastupničko pitanje, broj: 01-04-49840-12/25 od 15.10.2025. godine.

Dostaviti:

- Naslovu,
- a/a.



Broj:01-04-49840-12/25
Sarajevo, 15.10.2025. godine

**MINISTARSTVO ZA NAUKU, VISOKO OBRAZOVANJE I MLADE KANTONA
SARAJEVO**

PREDMET: Zastupničko pitanje, dostavlja se -

Zastupnica Smiljana Viteškić na 25. radnoj sjednici Skupštine Kantona Sarajevo, održanoj dana 15.10.2025. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa čl. 211. i 214. Poslovnika Skupštine Kantona Sarajevo postavila je **zastupničko pitanje** koje vam u prilogu dostavljamo.

Zastupnica je pitanje dostavila u pisanoj formi, te vam isto dostavljamo u prilogu s molbom da u skladu sa odredbama Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24) odgovor, u pisanom obliku, uputite predsjedavajućem Skupštine Kantona Sarajevo kako bi isti dostavili zastupnicima u Skupštini.

Prilog: Zastupničko pitanje

Pripremila: Amela Smailagić-Čamdžić
Kontrolisala: Aida Zeković



**PREDSEDavajući
SKUPŠTINE KANTONA SARAJEVO**

Elvedin Okerić

CO:

- sekretar SKS
- sekretar Vlade

Smiljana Viteškić

15.10.2025. GODINE

Ministarstvo za nauku, visoko obrazovanje i mlade Kantona Sarajevo

ZASTUPNIČKO PITANJE

U Dnevnom redu današnje sjednice imamo Izvještaj finansijske revizije o praćenju postupanja po preporukama o izvještaju o fin. reviziji JU Studentski centar Sarajevo.

Pitanja:

1. Zašto čak 15 preporuka nezavisnog revizora nije realizirana?
2. Da li Studentski centar ima upravljačke strukture: direktora, UO i NO?
3. Koliko je u zadnje 2 godine bilo VD direktora i koliko je trajala mandatu svakog od njih?
4. Kada će biti imenovan direktor Studentskog centra na četverogodišnji mandat?

Smiljana Viteskić



Broj: 01-1245/25
Sarajevo, 12.11.2025. godine

KANTON SARAJEVO

MINISTARSTVO ZA NAUKU, VISOKO OBRAZOVANJE I MLADE KS
Ul. Reisa Džemaludina Čauševića broj 1, Sarajevo
n/r Prof.dr. Dušanka Bošković, ministrica

14-11-2025

Predmet: Izjašnjenje, *dostavlja se*

Poštovani,

Dana 07.11.2025. godine, zaprimili smo Vaš akt pod brojem: 27/03-34-49840-12.1/25 od 04.11.2025. godine kojim se traži izjašnjenje na postavljena zastupnička pitanja.

S tim u vezi dostavljamo vam odgovore na pitanja:

Redni broj 1. „Zašto čak 15 preporuka nezavisnog revizora nije realizirana?“

U JU „Studentski centar“ Sarajevo, Ured za reviziju institucija u FBiH je proveo kontrolu za 2022. godinu. U izvještaju Ureda date su određene preporuke po kojima je Ustanova postupila. U datim preporukama određene stavke nisu ispoštovane iz razloga što druge institucije odlučuju o istim (Saglasnost na Cjenovnik usluga JU „Studentski centar“ Sarajevo nikada nismo dobili od Vlade KS, saglasnost na upošljavanje na dva radna mjesta nikada nismo dobili od Ministarstva za nauku, visoko obrazovanje i mlade KS, procjenu vrijednosti imovine radi upisivanja vrijednosti kapitala nismo realizirali zbog nedostatka finansijskih sredstava). Od ukupno 29 preporuka Ureda za reviziju, 14 preporuka je realizirano, 6 preporuka je djelimično realizirano, 7 preporuka je nerealizirano, te za dvije preporuke nije izvršena procjena.

Redni broj 2. „Da li Studentski centar ima upravljačke strukture: direktora, Upravni i Nadzorni odbor?“

Od razrješenja direktora u mandatnom periodu od četiri godine Amara Dovadžije, koji je na lični zahtjev podnio ostavku na poziciju direktora, a koji je razrješen od strane Vlade Kantona Sarajevo dana 25.01.2024. godine, Upravni odbor Ustanove je imenovao vršioce dužnosti direktora do okončanja konkursne procedure za izbor i imenovanje direktora. Konkursna procedura za izbor i imenovanje direktora je provedena, međutim Vlada KS nikada nije dala saglasnost na Odluku Upravnog odbora o izboru direktora JU „Studentski centar“ Sarajevo. Uputili smo dopis Vladi KS putem Ministarstva za nauku, visoko obrazovanje i mlade KS, vezano za davanje saglasnosti na odluku Upravnog odbora o izboru direktora, a u vezi navedenog dostavljen nam je odgovor u kojem je navedeno da se „vode određene provjere od strane nadležnih organa.“

Trenutna situacija što se tiče upravljačke strukture je na zabrinjavajućem nivou. Predsjednik Upravnog odbora Admir Fatić je podnio ostavku Vladi Kantona Sarajevo dana 05.11.2025. godine. U Upravnom odboru su trenutno tri člana koja ne mogu održavati sjednice iz razloga što nije izabran zamjenik predsjedavajućeg Upravnog odbora. Što se tiče Nadzornog odbora, članovima istog je istekao mandat 26.08.2025. godine, a predsjednica Nadzornog odbora je podnijela ostavku. Vršilac dužnosti direktora, Refik Ožegović koji je imenovan odlukom Upravnog odbora dana 25.08.2025.

godine je na navedenu poziciju podnio ostavku dana 07.11.2025. godine Upravnom odboru Ustanove koji se nije u mogućnosti sastati zbog naprijed navedenog.

Redni broj 3. „Koliko je u zadnje 2 godine bilo VD direktora i koliko je trajala mandatu svakog od njih?“

Nakon razrješenja direktora Amara Dovadžije, Upravni odbor je imenovao tri vršioca dužnosti. Ammar Demić je imenovan za vršioca dužnosti direktora dva puta po šest mjeseci, Ingrid Kadrić na mandatni period od šest mjeseci, te Refik Ožegović na period od šest mjeseci.

Redni broj 4. „Kada će biti imenovan direktor Studentskog centra na četverogodišnji mandat?“

JU „Studentski centar“ Sarajevo nije u mogućnosti dati odgovor na postavljeno pitanje, budući da o davanju saglasnosti na odluku Upravnog odbora o izboru direktora odlučuje Vlada KS. Nadamo se da će Vlada KS u što skorijem periodu poduzeti korake u vezi naprijed navedenog budući da se Ustanova nalazi u jako teškoj finansijskoj situaciji, a uslovi u domovima su na nezadovoljavajućem nivou. JU „Studentski centar“ ne može da održi kontinuitet u poslovanju iz razloga što duže vrijeme nema direktora imenovanog na madatni period.

S poštovanjem,

Dostaviti:

- Naslovu,
- Savjetnik u Kabinetu direktora,
- a/a.

v.d. DIREKTOR-a
Refik Ožegović

